

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 3. tačka o) alineja 4. Programa utroška sredstava Budžeta Zeničko-dobojskog Kantona za 2021.godinu planiranih na razdjelu Ministarstva za boračka pitanja, broj 02-11-5101/21 od 12.04.2021.godine, na prijedlog Ministarstva za boračka pitanja, Vlada Zeničko-dobojskog kantona, na 105. sjednici, održanoj dana 30.04.2021.godine, d o n o s i

ZAKLJUČAK

I.

Usvaja se Program podsticaja samozapošljavanja pripadnika branilačke populacije Zeničko-dobojskog kantona za 2021.godinu, Ministarstva za boračka pitanja Zeničko-dobojskog kantona kao obrađivača, koji čini sastavni dio ovog zaključka.

II.

Sredstva za provođenje Programa iz tačke I. ovog zaključka isplatit će se iz Budžeta Zeničko-dobojskog kantona 2021.godinu („Službene novine Zeničko-dobojskog kantona“, broj: 7/21), sa razdjela 24 – Ministarstvo za boračka pitanja, budžetska organizacija 01, potrošačka jedinica 001, ekonomski kod 614200, subanalitika OAD 222 – “Transfer za podsticaj zapošljavanja branilaca i članova njihovih porodica“.

III.

Za realizaciju ovog zaključka zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

**PREMIJER
po ovlaštenju**

Spahija Kozlić

Broj: 02-_____ /21
Datum, 30.04.2021. godine
Zenica

DOSTAVLJENO:

1x Ministarstvo za boračka pitanja,
1x Ministarstvo finansija,

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZA BORAČKA PITANJA**

**PROGRAM
PODSTICAJA SAMOZAPOŠLJAVANJA PRIPADNIKA BRANILAČKE POPULACIJE
ZENIČKO-DOBOJSKOG KANTONA ZA 2021.GODINU**

Zenica, april 2021. godine

SADRŽAJ

<u>DIO PRVI - UVOD</u>	2
<u>DIO DRUGI – NOSIOCI REALIZACIJE I SARADNICI PROGRAMA</u>	2
<u>realizacije</u>	2
<u>provedbi</u>	2
<u>DIO TREĆI - CILJ PROGRAMA I CILJNE GRUPE</u>	2
<u>realizacije</u>	2
<u>provedbi</u>	2
<u>cilja</u>	2
<u>grupe</u>	3
<u>DIO ČETVRTI – SREDSTVA ZA REALIZACIJU PROGRAMA</u>	3
<u>sredstava</u>	3
<u>POGLAVLJE I. Osiguranje</u>	3
<u>POGLAVLJE II. Iznos odobrenih sredstava po korisniku</u>	3
<u>POGLAVLJE III. Način raspodjele sredstava po gradovima/općinama</u>	4
<u>DIO PETI - NAČIN REALIZACIJE PROGRAMA</u>	4
<u>korisnika</u>	4
<u>POGLAVLJE II. Proces odabira aplikanta i rad gradske/općinske komisije</u>	6
<u>POGLAVLJE III. Konačni odabir i rad Komisije Ministarstva</u>	6
<u>POGLAVLJE IV. Zaključivanje ugovora</u>	7
<u>POGLAVLJE V. Nadzor nad realizacijom programa zapošljavanja</u>	7
<u>DIO ŠESTI – ZAVRŠNE ODREDBE</u>	7

DIO PRVI - UVOD

Programom utroška sredstava Budžeta Zeničko-dobojskog kantona za 2021.godinu planiranih na razdjelu Ministarstva za boračka pitanja broj: 02-11-5101/21 od 12.04.2021.godine (u daljnjem tekstu: Program utroška sredstava) predviđeno je donošenje Programa podsticaja samozapošljavanja pripadnika branilačke populacije Zeničko-dobojskog kantona za 2021.godinu (u daljnjem tekstu Program).

Ovim Programom utvrđuju se korisnici, uslovi i način ostvarivanja prava na podsticajna sredstva za samozapošljavanje pripadnika branilačke populacije. Sredstva su osigurana u Budžetu Zeničko-dobojskog kantona za 2021. godinu na razdjelu 24, budžetska organizacija 01, potrošačka jedinica 001, ekonomski kod 614200, subanalitika OAD 222 – “Transfer za podsticaj zapošljavanja branilaca i članova njihovih porodica“ Ministarstva za boračka pitanja (u daljem tekstu Ministarstvo).

Sredstva podsticaja namjenjena su za sufinansiranje dijela troškova i naknada vezanih za pokretanje predloženih poslovnih aktivnosti pripadnika branilačke populacije, a koje zadovoljavaju kriterije propisane Programom, odnosno javnim pozivom.

Pravo na podsticaj, pripadnici kategorija branilačke populacije utvrđenih Programom, ostvaruju na vlastiti zahtjev i na temelju ugovora koji će biti zaključen sa izabranim korisnicima.

DIO DRUGI – NOSIOCI REALIZACIJE I SARADNICI PROGRAMA

POGLAVLJE I. Nosioци realizacije

Nosioци realizacije programa su: Ministarstvo i gradska/općinska služba nadležna za poslove branilačko-invalidske zaštite (u daljnjem tekstu gradska/općinska služba).

POGLAVLJE II. Saradnici u provedbi

1. Općina Breza
2. Općina Doboј Jug
3. Općina Kakanj
4. Općina Maglaj
5. Općina Olovo
6. Općina Tešanj
7. Općina Usora
8. Općina Vareš
9. Grad Visoko
10. Općina Zavidovići
11. Grad Zenica
12. Općina Žepče

DIO TREĆI - CILJ PROGRAMA I CILJNE GRUPE

Cilj ovog programa je dugoročno rješavanje pitanje egzistencije kao i uspješnije te potpunije uključivanje u društvo branilaca i članova njihovih porodica, uz poboljšanje ukupne socio-ekonomske slike lokalnih zajednica i Kantona u cjelini.

POGLAVLJE I. Način ostvarenja cilja

1. Podsticaj po ovom Programu se može odobriti zainteresovanom pripadniku branilačke populacije koji je podnio zahtjev u tom smislu uz poslovni plan za obavljanje djelatnosti za koju se ocjeni da će biti profitabilna.

2. Podsticaj se može odobriti u izuzetnim slučajevima i ranijem korisniku Programa podsticaja samozapošljavanja, što je posebno obrazloženo u četvrtom dijelu Programa.

POGLAVLJE II. Ciljne grupe

1. Dobitnik ratnog priznanja i odlikovanja,
2. Ratni vojni invalid,
3. Demobilizirani branilac, koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine, osim lica koja su u OS pristupili kao maloljetni ili neposredno po punoljetstvu, a sa minimalno 12 mjeseci provedenih u OS,
4. Dijete šehida/poginulog branioca do 35 godina života, dijete umrlog RVI i dijete umrlog nosioca najvećeg ratnog priznanja, do navršene 30 godine života,
5. Udovica šehida/poginulog branioca, korisnica porodične invalidnine,
6. Udovica ratnog vojnog invalida koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine i koja je sa istim živjela u braku najmanje dvije posljednje godine dana prije smrti,
7. Dijete umrlog demobiliziranog branioca koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine i koje je sa istim živio u zajedničkom domaćinstvu ili ga je isti izdržavao najmanje posljednju godinu dana prije smrti, do navršenih 30 godina života,
8. Udovica umrlog demobiliziranog branioca koji je u Oružanim snagama proveo najmanje 24 mjeseca u periodu od 06.04.1992. do 23.12.1995.godine i koja je sa istim živjela u braku najmanje dvije posljednje godine dana prije smrti.
9. U posebnim slučajevima ministar Ministarstva može uključiti u ovaj Program i demobiliziranog branioca, koji je u Oružanim snagama proveo manje od 24 mjeseca, ali ne manje od 18 mjeseci u periodu od 06.04.1992. do 23.12.1995.godine.

DIO ČETVRTI – SREDSTVA ZA REALIZACIJU PROGRAMA

POGLAVLJE I. Osiguranje sredstava

Ministarstvo sufinansira realizaciju Programa u iznosu od 630.000,00 KM u skladu sa članom 3. tačka o) alineja 4. Programa utroška sredstava, a u skladu sa dinamikom priliva budžetskih sredstava i brojem opravdanih zahtjeva, o čemu odluku donosi ministar Ministarstva.

POGLAVLJE II. Iznos odobrenih sredstava po korisniku

Maksimalni iznos sredstava koji se može dodijeliti je po varijantama:

- **Program „Prvi biznis“** - 8.000,00 KM, u slučaju kada je podnosilac zahtjeva, registrirao planiranu djelatnost ne ranije od 01.04.2020. godine, a najkasnije sa danom okončanja javnog poziva po ovog Programu.

Korisnik sredstava podsticaja Programa „Prvi biznis“, dužan je zadržati registraciju, te uplatiti sve poreske obaveze u periodu ne manjem od 24 mjeseca od dana potpisivanja ugovora o dodjeli sredstava. U slučaju da korisnik sredstava ne ispunji naprijed navedenu obavezu dužan je proporcionalno opravdanim sredstvima, vratiti u budžet kantona neopravdana sredstva (izuzev više sile).

- **Program „Biznis plus“**

- **Varijanta a)** do 5.000,00 KM korisniku Programa podsticaja samozapošljavanja ovoga Ministarstva iz prethodnih godina, koji je od 01.04.2020. godine do okončanja Javnog poziva zaposlio jednog ili više radnika, koji su bili na evidenciji nadležne službe za zapošljavanje, te da se zahtjev za sufinansiranje zaposlenja ne podnosi radi zasnivanja radnog odnosa u istom pravnom licu zaposlenja.
- **Varijanta b)** - 1.000,00 KM korisniku Programa podsticaja samozapošljavanja ovoga Ministarstva iz prethodnih godina, koji je zadržao poresku registraciju te uplatio sve poreske

obaveze do 31.12.2020. godine.

POGLAVLJE III. Način raspodjele sredstava po gradovima/općinama

Sredstva se okvirno raspoređuju u skladu sa Programom utroška sredstava, a u skladu sa procentualnim učešćem pripadnika branilačke populacije na teritoriji grada/općine u odnosu na ukupan broj pripadnika branilačke populacije na teritoriji Kantona. Raspodjela sredstava određena je i brojem zahtjeva pripadnika branilačke populacije određenog grada/općine, ekonomskom razvijenošću grada/općine, te ostalim društveno-socijalnim elementima.

U slučaju nedovoljnog broja opravdanih zahtjeva u jednom gradu/općini, sredstva namjenjena tom gradu/općini mogu se koristiti za finansiranje projekata zapošljavanja i samozapošljavanja u drugim gradovima/općinama.

DIO PETI - NAČIN REALIZACIJE PROGRAMA

U cilju realizacije te efikasnijeg provođenja Programa ministar Ministarstva donosi Instrukciju koja se dostavlja gradskoj/općinskoj službi.

Gradska/općinske službe dužne su formirati Komisiju za provođenje ovog postupka, u sastavu od najmanje tri člana.

Gradska/općinska služba po prijemu Instrukcije Ministarstva raspisuje javni poziv za podnošenje zahtjeva za dodjelu sredstava podsticaja samozapošljavanja.

Zainteresovani pripadnici branilačke populacije zahtjev za dodjelu sredstava podsticaja samozapošljavanja podnose na obrascu koji donosi Ministar Ministarstva nakon usvajanja ovog Programa.

POGLAVLJE I. Kriterij za izbor korisnika

A. „Prvi biznis“ – lica koja su registrovala obrt

A.	Kriteriji - „Prvi biznis“	Potrebni dokumenti
A.1.	Pripadnost branilačkoj populaciji	- Rješenje o ličnoj ili porodičnoj invalidnini, - Uvjerenje o provedenom vremenu u oružanim snagama
A.2.	Prebivalište na teritoriji ZDK u trajanju od najmanje 24 mjeseca prije podnošenja zahtjeva, (za lica koja su mijenjala prebivalište najmanje 12 mjeseci prije podnošenja zahtjeva, ukoliko su imali prebivalište na području kantona u trajanju od 24 mjeseca prije promjene mjesta prebivališta), osim povratnika u RS	- Potvrda o prebivalištu izdata od CIPS-a (original ili ovjerena fotokopija); - Potvrda o kretanju izdata od MUP-a
A.3.	Podnosilac ne smije imati neizmirenih poreskih obaveza	- Uvjerenje nadležne Poreske uprave o nepostojanju neizmirenih poreskih obaveza
A.4.	Registracija planirane poslovne aktivnosti	- Korisnik je dužan dostaviti dokaz o registraciji biznisa kao osnovne djelatnosti nakon 01.04.2020.godine, a najkasnije sa danom zatvaranja javnog poziva po ovom Programu
A.5.	Plan poslovanja	- Korisnik je dužan dostaviti i plan poslovnih aktivnosti kojim će korisnik dokazati

		poznavanje planirane poslovne aktivnosti sa stanovišta ulaganja, profita i tržišta iste.
--	--	--

Podsticaj može biti dodijeljen samo jednom kandidatu iz jednog porodičnog domaćinstva.

B. "Biznis plus" – Varijanta a)- lica korisnici prethodnih Programa zapošljavanja koja su zaposlila jednog ili više radnika

B.	Kriteriji - „Varijanta a)“	Potrebni dokumenti
B.1.	Podnositelj ne smije imati neizmirenih poreskih obaveza	- Uvjerenje nadležne Poreske uprave o nepostojanju neizmirenih poreskih obaveza za aplikanta i registriranu djelatnost
B.2.	Dokaz o zapošljavanju	- Uvjerenje nadležne službe za zapošljavanje da je zaposlenik bio na evidenciji službe za zapošljavanje prije stupanja u radni odnos. - Prijava nadležne poreske uprave - Obrazac JS 3650 (Informacija o uplaćenim doprinosima) izdat od nadležne Poreske uprave
B.3.	Uspješno učešće u prethodnim projektima Ministarstva	- Uvjerenje nadležne gradske/općinske službe o učešću u prethodnim projektima zapošljavanja i samozapošljavanja Ministarstva
B.4.	Podaci o zaposleniku (zaposlenik mora imati prebivalište na području Kantona u trajanju od najmanje dvije godine prije podnošenja zahtjeva, osim povratnika u RS.)	- Potvrda o prebivalištu izdata od CIPS-a (original ili ovjerena fotokopija); - Potvrda o kretanju izdata od MUP-a

C. "Biznis plus" – Varijanta b)- lica korisnici prethodnih Programa zapošljavanja koja su zadržala poresku registraciju

C.	Kriteriji - "Varijanta b)"	Potrebni dokumenti
C.1.	Registracija planirane poslovne aktivnosti	- Uvjerenje nadležne Poreske uprave o aktivnosti poreske registracije za registriranu djelatnost
C.2.	Podnosilac ne smije imati neizmirenih poreskih obaveza	- Uvjerenje nadležne Poreske uprave o nepostojanju neizmirenih poreskih obaveza za aplikanta i registriranu djelatnost
C.3.	Uspješno učešće u prethodnim projektima Ministarstva	- Uvjerenje nadležne gradske/općinske službe o učešću u prethodnim projektima zapošljavanja i samozapošljavanja Ministarstva

POGLAVLJE II. Proces odabira aplikanta i rad gradske/općinske komisije

Proces odabira odvija se u dvije faze koje se odnose na sve date varijante.

A. Prva faza: Administrativna usklađenost prijave

Općinska/gradska komisija za odabir, vršit će pregled prijave i provjeru da li je dostavljena sva dokumentacija koja je Javnim pozivom tražena.

Aplikante čiji je zahtjev ocjenjen neurednim, neblagovremenim i/ili nepotpunim gradska/općinska služba će obavijestiti o istome.

B. Druga faza: Terenski uviđaj i procjena raspoloživosti potencijalnih resursa za bavljenje željenim poslom.

Gradska/općinska komisija će izlaskom na teren procijeniti tačnost informacija navedenih u zahtjevu za podsticaj, te o istom sačiniti zapisnik u prilogu kojeg će biti fotografije.

Gradska/općinska komisija dužna je sačiniti listu preliminarnu uspješnih kandidata, istu objaviti na oglasnoj ploči grada/općine.

Nezadovoljni kandidati imaju pravo podnošenja zahtjeva za preispitivanje preliminarne liste uspješnih kandidata koji mora biti obrazložen i utemeljen na dokazima.

Zahtjev za preispitivanje se podnosi gradskoj/općinskoj službi najkasnije u roku od osam dana od dana isticanja liste, a gradska/općinska služba je dužna podnosioca predmetnog zahtjeva pismeno obavijestiti o stavu po podnesenom zahtjevu.

Gradska/općinska komisija je dužna dostaviti Ministarstvu sačinjenu listu uspješnih aplikanata, odnosno spis predmeta aplikanata čiji su zahtjevi ocjenjeni uspješnim.

POGLAVLJE III. Konačni odabir i rad Komisije Ministarstva

Ministar Ministarstva imenuje Komisiju od najmanje tri člana (u daljem tekstu Komisija Ministarstva).

Komisija Ministarstva podnesene zahtjeve vrednuje po kvalitetu koji uključuje profitabilnost, pripremljenost terena, obučenosť i sl., te po ocjenjenoj potrebi vrši dodatni terenski uviđaj i može tražiti dodatne dokaze od podnosioca zahtjeva.

Ukoliko komisija Ministarstva zahtjev aplikanta ocjeni kao neprofitabilan, poslovno riskantan ili tržišno nekonkurentan, ista će izvršiti povrat spisa gradskoj/općinskoj službi.

Gradska/općinska služba će po zaprimanju predmetnog spisa putem obavijesti informisati aplikanta o odbijanju zahtjeva.

Kandidati čiji je zahtjev odbijen imaju pravo prigovora u roku od 8 dana od prijema istog i isti se Ministarstvu podnosi putem nadležne gradske/općinske službe.

Komisija Ministarstva sačinjava konačnu listu uspješnih kandidata i istu dostavlja ministru Ministarstva.

Ministar Ministarstva donosi konačnu odluku o dodjeli sredstava podsticaja i transferiše sredstva gradskoj/općinskoj službi u skladu sa Programom utroška Ministarstva.

U slučaju nedostatka sredstava po ovom Programu i postojanja zahtjeva koji ispunjavaju propisane uvjete, navedeni zahtjevi prioritetno će se rješavati u narednoj budžetskoj godini a uz saglasnost korisnika.

POGLAVLJE IV. Zaključivanje ugovora

Ministarstvo, grad/općina i pripadnik branilačke populacije kojem su odlukom dodjeljena sredstava za podsticaj samozapošljavanja po ovom Programu, zaključuju ugovor kojim će biti detaljno regulisane sve obaveze navedenih strana.

POGLAVLJE V. Nadzor nad realizacijom programa zapošljavanja

Ministarstvo vrši nadzor nad realizacijom ovog Programa samozapošljavanja u bilo koje

vrijeme trajanja postupka.

Ministarstvo i gradske/općinske službe su dužne voditi evidencije o dodjeljenim podsticajnim sredstvima na obrascu koji propisuje Ministar Ministarstva.

DIO ŠESTI – ZAVRŠNE ODREDBE

Program podsticaja samozapošljavanja Ministarstva ne isključuje mogućnost korištenja sredstava programa za podsticaj samozapošljavanja drugih organa koji provode programe za ove namjene.

Sve imenice koje se odnose na branioce i članove njihovih porodica upotrebljene u ovom Programu u muškom/ ženskom rodu, odnose se na oba spola.

Broj: 02-_____ /21
Datum, 30.04.2021. godine
Zenica

DOSTAVLJENO:

1x Ministarstvo za boračka pitanja,
1x Ministarstvo finansija,
1x a/a.

**PREMIJER
po ovlaštenju**

Spahija Kozlić